

阿毘達磨大毘婆沙論卷第二十八

五百大阿羅漢等造
三藏法師玄奘奉 詔譯

雜蘊第一中補特伽羅納息第三之六

藍字部分：《發智論卷一》釋論範圍

其事如何？

答：如無間道-金剛喻定-將滅，解脫道-盡智-將生。

若無間道-金剛喻定-正滅，解脫道-盡智-正生。爾時名「未來-無學心生時，解脫一切障。」

此中…

金剛喻定-將滅者→謂：生相-用時。

盡智-將生者→謂：臨至生相，爾時猶名未得解脫，未定行世-在相續故。

金剛喻定-正滅者→謂滅相-用時。

盡智-正生者→謂生相-正用，爾時乃名今得解脫，定能行世-在相續故。

若金剛喻定已滅，盡智已生。爾時名為已得解脫。此中且舉將解脫位，顯～正解脫。

問：何故名為「金剛喻定」？

答：無有煩惱，不斷、不破、不穿、不碎。

譬如金剛，無有若鐵、若牙、若貝、若珠石等，不斷、不破、不穿、不碎，是故此定，名「金剛喻」。

假使具縛有情，身中能起此定，爾時！即能頓斷「三界一切煩惱」。

云何知然？金剛喻定-現在前時，頓證三界-見、修所斷，煩惱斷故。

問：此無間道，四蘊、五蘊為自性，何故但說「定」耶？

答：定偏增故。

如見道五蘊為自性，見偏增故，但名見道。

如現觀邊世俗智四蘊、五蘊為自性，智偏增故，但說名智。

如四通行四蘊、五蘊為自性，通慧偏增故，但名通行。

如是此道，雖四蘊、五蘊為自性，而定偏增，是故但名金剛喻定。

問：何故此道，定偏增耶？

答：非想非非想處-下下煩惱難斷、難破、極難越度，須堅固定為所依止，發大精進乃能除遣。譬如有人欲殺香象，先安其足，後發武勇，成其殺事，是故此道，定用-偏增。

復次，非想非非想處-下下煩惱最極微細、不明不顯，難可覺知，須依勝定，令心澄細，方能除斷。如善射者，欲射毛端，依巧便法，令心澄細，發箭方中。是故此道，定用-偏增。

問：此金剛喻定，有幾智耶？

答：有六智。謂：四類智及滅、道法智。（苦類智、集類智、滅類智、道類智、滅法智、道法智）

此中…

- 或有以苦類智思惟非想非非想處-諸行，作非常、苦、空、非我行相，得阿羅漢果。
- 或有以集類智思惟非想非非想處-諸行因，作因、集、生、緣行相，得阿羅漢果。
- 或有以滅法智思惟欲界-諸行滅，作滅、靜、妙、離行相，得阿羅漢果。
- 或有以道法智思惟欲界-諸行道，作道、如、行、出行相，得阿羅漢果。
- 或有以滅類智或思惟初靜慮-諸行滅…乃至或思惟非想非非想處-諸行滅，作滅、靜、妙、離行相，得阿羅漢果。
- 或有以道類智思惟九地-類智品道，作道、如、行、出行相，得阿羅漢果。如是皆名「金剛喻定」，是謂此處略《毘婆沙》。

金剛喻定			
何智	何地	作何行相	
苦類智	非想非非想處	諸行	非常、苦、空、非我-行相
集類智	非想非非想處	諸行因	因、集、生、緣-行相
滅法智	欲界	諸行滅	滅、靜、妙、離-行相
道法智	欲界	諸行道	道、如、行、出行相
滅類智	初靜慮	諸行滅	滅、靜、妙、離-行相
	二靜慮		
	三靜慮		
	四靜慮		
	空無邊處		
	識無邊處		
	無所有處		
	非想非非想處		
道類智	九地	類智品道	道、如、行、出行相

問：此金剛喻定，依何地？有幾耶？

有作是說：依未至定，有五十二，謂：

●依未至定：

- 或有以苦類智思惟非想非非想處-諸行，作四行相中，隨一行相，得阿羅漢果。
- 或有以集類智思惟非想非非想處-諸行因，作四行相中，隨一行相，得阿羅漢果。
- 或有以滅法智思惟欲界-諸行滅，作四行相中，隨一行相，得阿羅漢果。
- 或有以道法智思惟欲界-諸行道，作四行相中，隨一行相，得阿羅漢果。如是四智，有十六行相。

或有以滅類智：

- 或思惟初靜慮-諸行滅，作四行相中，隨一行相，得阿羅漢果。
- …乃至或思惟非想非非想處-諸行滅，作四行相中，隨一行相，得阿羅漢果。如是八智，有三十二行相，足前十六，成四十八。

- 或有以道類智思惟九地-類智品道，作四行相中，隨一行相，得阿羅漢果。

如是一智，有四行相，足前四十八，成五十二金剛喻定。

如依未至定，…乃至依第四靜慮，亦爾！

金剛喻定（依未至定，有五十二）				
何智	何地	作何行相		
苦類智	非想非非想處	諸行	非常、苦、空、非我-行相	如是四智， 有十六行相
集類智	非想非非想處	諸行因	因、集、生、緣-行相	
滅法智	欲界	諸行滅	滅、靜、妙、離-行相	
道法智	欲界	諸行道	道、如、行、出-行相	
滅類智	初靜慮	諸行滅	滅、靜、妙、離-行相	如是八智， 有三十二行相
	二靜慮			
	三靜慮			
	四靜慮			
	空無邊處			
	識無邊處			
	無所有處			
	非想非非想處			
道類智	九地	類智品道	道、如、行、出-行相	如是一智， 有四行相

依空無邊處，有二十八，謂：

●依空無邊處：

✱或有以苦類智思惟非想非非想處-諸行，作四行相中，隨一行相，得阿羅漢果。

✱或有以集類智思惟非想非非想處-諸行因，作四行相中，隨一行相，得阿羅漢果。

如是二智，有八行相。

或有以滅類智：

✱或思惟空無邊處-諸行滅，作四行相中，隨一行相，得阿羅漢果。

✱…乃至至思惟非想非非想處-諸行滅，作四行相中，隨一行相，得阿羅漢果。

如是四智，有十六行相，足前八，成二十四。

✱或有以道類智思惟九地-類智品道，作四行相中，隨一行相，得阿羅漢果。

如是一智，有四行相，足前二十四，成二十八金剛喻定。

金剛喻定（依空無邊處，有二十八）				
何智	何地	作何行相		
苦類智	非想非非想處	諸行	非常、苦、空、非我-行相	如是二智， 有八行相
集類智	非想非非想處	諸行因	因、集、生、緣-行相	
滅類智	空無邊處	諸行滅	滅、靜、妙、離-行相	如是四智， 有十六行相
	識無邊處			
	無所有處			
	非想非非想處			
道類智	九地	類智品道	道、如、行、出-行相	如是一智， 有四行相

●依識無邊處，有二十四-金剛喻定。謂：

✱除思惟空無邊處-諸行滅-四行相，餘如依空無邊處說。

金剛喻定（依識無邊處，有二十四）				
何智	何地	作何行相		
苦類智	非想非非想處	諸行	非常、苦、空、非我-行相	如是二智， 有八行相
集類智	非想非非想處	諸行因	因、集、生、緣-行相	
滅類智	識無邊處	諸行滅	滅、靜、妙、離-行相	如是三智， 有十二行相
	無所有處			
	非想非非想處			
道類智	九地	類智品道	道、如、行、出-行相	如是一智， 有四行相

○依無所有處，有二十-金剛喻定。謂：

✱除思惟識無邊處-諸行滅-四行相，餘如依識無邊處說。

金剛喻定（依無所有處，有二十）				
何智	何地	作何行相		
苦類智	非想非非想處	諸行	非常、苦、空、非我-行相	如是二智， 有八行相
集類智	非想非非想處	諸行因	因、集、生、緣-行相	
滅類智	無所有處	諸行滅	滅、靜、妙、離-行相	如是二智， 有八行相
	非想非非想處			
道類智	九地	類智品道	道、如、行、出-行相	如是一智， 有四行相

有餘師說：依未至定，有八十-金剛喻定。謂：

○依未至定：

✱或有以苦類智思惟非想非非想處-諸行，作四行相中，隨一行相，得阿羅漢果。

✱或有以集類智思惟非想非非想處-諸行因，作四行相中，隨一行相，得阿羅漢果。

✱或有以滅法智思惟欲界-諸行滅，作四行相中，隨一行相，得阿羅漢果。

✱或有以道法智思惟欲界-諸行道，作四行相中，隨一行相，得阿羅漢果。

如是四智，有十六行相。

或有以滅類智：

✱或思惟初靜慮-諸行滅，作四行相中，隨一行相，得阿羅漢果。

✱…乃至或思惟非想非非想處-諸行滅，作四行相中，隨一行相，得阿羅漢果。

如是八智，有三十二行相，足前十六，成四十八。

或有以道類智：

✱或思惟初靜慮-諸行道，作四行相中，隨一行相，得阿羅漢果。

✱…乃至或思惟非想非非想處-諸行道，作四行相中，隨一行相，得阿羅漢果。

如是八智，有三十二行相，足前四十八，成八十金剛喻定。

如依未至定，…乃至依第四靜慮亦爾！

金剛喻定（依未至定，有八十）				
何智	何地	作何行相		
苦類智	非想非非想處	諸行	非常、苦、空、非我-行相	如是四智， 有十六行相
集類智	非想非非想處	諸行因	因、集、生、緣-行相	

滅法智	欲界	諸行滅	滅、靜、妙、離-行相	
道法智	欲界	諸行道	道、如、行、出-行相	
滅類智	初靜慮	諸行滅	滅、靜、妙、離-行相	如是八智， 有三十二行相
	二靜慮			
	三靜慮			
	四靜慮			
	空無邊處			
	識無邊處			
	無所有處			
	非想非非想處			
道類智	初靜慮	諸行道	道、如、行、出-行相	如是八智， 有三十二行相
	二靜慮			
	三靜慮			
	四靜慮			
	空無邊處			
	識無邊處			
	無所有處			
	非想非非想處			

依空無邊處，有四十-金剛喻定，謂：

●依空無邊處：

✱或有以苦類智思惟非想非非想處-諸行，作四行相中，隨一行相，得阿羅漢果。

✱或有以集類智思惟非想非非想處-諸行因，作四行相中，隨一行相，得阿羅漢果。

如是二智，有八行相。

或有以滅類智：

✱或思惟空無邊處-諸行滅，作四行相中，隨一行相，得阿羅漢果。

✱…乃至或思惟非想非非想處-諸行滅，作四行相中，隨一行相，得阿羅漢果。

如是四智，有十六行相，足前八，成二十四。

或有以道類智：

✱或思惟空無邊處-諸行道，作四行相中，隨一行相，得阿羅漢果。

✱…乃至或思惟非想非非想處-諸行道，作四行相中，隨一行相，得阿羅漢果。

如是四智，有十六行相，足前二十四，成四十金剛喻定。

金剛喻定（依空無邊處，有四十）				
何智	思惟何地	作何行相		
苦類智	非想非非想處	諸行	非常、苦、空、非我-行相	如是二智， 有八行相
集類智	非想非非想處	諸行因	因、集、生、緣-行相	
滅類智	空無邊處	諸行滅	滅、靜、妙、離-行相	如是四智， 有十六行相
	識無邊處			
	無所有處			
	非想非非想處			
道類智	空無邊處	諸行道	道、如、行、出-行相	如是四智， 有十六行相
	識無邊處			
	無所有處			
	非想非非想處			

○依識無邊處，有三十二金剛喻定。謂：

✱除思惟空無邊處-諸行滅、道八行相，餘如依空無邊處說。

金剛喻定（依識無邊處，有三十二）				
何智	思惟何地	作何行相		
苦類智	非想非非想處	諸行	非常、苦、空、非我-行相	如是二智， 有八行相
集類智	非想非非想處	諸行因	因、集、生、緣-行相	
滅類智	識無邊處	諸行滅	滅、靜、妙、離-行相	如是三智， 有十二行相
	無所有處			
	非想非非想處			
道類智	識無邊處	諸行道	道、如、行、出-行相	如是三智， 有十二行相
	無所有處			
	非想非非想處			

○依無所有處，有二十四金剛喻定。謂：

✱除思惟識無邊處-諸行滅、道八行相，餘如依識無邊處說。

金剛喻定（依無所有處，有二十四）				
何智	思惟何地	作何行相		
苦類智	非想非非想處	諸行	非常、苦、空、非我-行相	如是二智， 有八行相
集類智	非想非非想處	諸行因	因、集、生、緣-行相	
滅類智	無所有處	諸行滅	滅、靜、妙、離-行相	如是二智， 有八行相
	非想非非想處			
道類智	無所有處	諸行道	道、如、行、出-行相	如是二智， 有八行相
	非想非非想處			

尊者妙音作如是說：依未至定，有十三金剛喻定。謂：見道中，有四類智忍；修道中，離非想非非想處-修所斷染，有九無間道，是謂十三金剛喻定。

如依未至定…乃至依第四靜慮，亦爾！

依空無邊處…乃至無所有處，皆但有九金剛喻定。謂：除四類智忍，餘如依未至定說。

如是說者：依未至定，有百六十四金剛喻定。謂：

○依未至定：

✱或有以苦類智思惟非想非非想處-諸行，作四行相中，隨一行相，得阿羅漢果。

✱或有以集類智思惟非想非非想處-諸行因，作四行相中，隨一行相，得阿羅漢果。

✱或有以滅法智思惟欲界-諸行滅，作四行相中，隨一行相，得阿羅漢果。

✱或有以道法智思惟欲界-諸行道，作四行相中，隨一行相，得阿羅漢果。

如是四智，有十六行相。

或有以滅類智：

✱或思惟初靜慮-諸行滅，作四行相中，隨一行相，得阿羅漢果。

✱…乃至或思惟非想非非想處-諸行滅，作四行相中，隨一行相，得阿羅漢果。

如是四八成三十二，足前十六，成四十八。

✿如是或思惟初、二靜慮-諸行滅。
✿或思惟第二、第三靜慮-諸行滅。
✿或思惟第三、第四靜慮-諸行滅。
✿或思惟第四靜慮、空無邊處-諸行滅。
✿或思惟空、識無邊處-諸行滅。
✿或思惟識無邊處、無所有處-諸行滅。
✿或思惟無所有處、非想非非想處-諸行滅，各作四行相中，隨一行相，得阿羅漢果。
如是四七成二十八，足前四十八，成七十六。

✿如是或思惟初、三靜慮-諸行滅。
✿或思惟第二、第三、第四靜慮-諸行滅。
✿或思惟第三、第四靜慮、空無邊處-諸行滅。
✿或思惟第四靜慮、空、識無邊處-諸行滅。
✿或思惟空、識無邊處、無所有處-諸行滅。
✿或思惟識無邊處、無所有處、非想非非想處-諸行滅，各作四行相中，隨一行相，得阿羅漢果。
如是四六成二十四，足前七十六，成百。

✿如是或思惟四靜慮-諸行滅。
✿或思惟第二靜慮…乃至空無邊處-諸行滅。
✿或思惟第三靜慮…乃至識無邊處-諸行滅。
✿或思惟第四靜慮…乃至無所有處-諸行滅。
✿或思惟空無邊處…乃至非想非非想處-諸行滅，各作四行相中，隨一行相，得阿羅漢果。
如是四五成二十，足前百，成百二十。

✿如是或思惟四靜慮、空無邊處-諸行滅。
✿或思惟第二靜慮…乃至識無邊處諸行滅。
✿或思惟第三靜慮…乃至無所有處-諸行滅。
✿或思惟第四靜慮…乃至非想非非想處-諸行滅，各作四行中，隨一行相，得阿羅漢果。
如是四四成十六，足前百二十，成百三十六。

✿如是或思惟初靜慮…乃至識無邊處-諸行滅。
✿或思惟第二靜慮…乃至無所有處-諸行滅。
✿或思惟第三靜慮…乃至非想非非想處-諸行滅，各作四行相中，隨一行相，得阿羅漢果。
如是三四成十二，足前百三十六，成百四十八。

✿如是或思惟初靜慮…乃至無所有處-諸行滅。
✿或思惟第二靜慮…乃至非想非非想處-諸行滅，各作四行相中，隨一行相，得阿羅漢果。
如是二四成八，足前百四十八，成百五十六。

✿如是或思惟初靜慮…乃至非想非非想處-諸行滅，作四行相中，隨一行相，得阿羅漢果。

此四，足前百五十六，成百六十。

✿或有以道類智思惟九地-類智品道，作四行相中，隨一行相，得阿羅漢果。

此四，足前百六十，成百六十四金剛喻定。

如依未至定…乃至依第四靜慮，亦爾！

金剛喻定（依未至定，有百六十四）				
何智	思惟何地	作何行相		
苦類智	非想非非想處	諸行	非常、苦、空、非我-行相	如是四智， 有十六行相
集類智	非想非非想處	諸行因	因、集、生、緣-行相	
滅法智	欲界	諸行滅	滅、靜、妙、離-行相	
道法智	欲界	諸行道	道、如、行、出-行相	
滅類智	第初靜慮	諸行滅	滅、靜、妙、離-行相	如是八智， 有三十二行相
	第二靜慮			
	第三靜慮			
	第四靜慮			
	空無邊處			
	識無邊處			
	無所有處			
	非想非非想處			
滅類智	初、二靜慮	諸行滅	滅、靜、妙、離-行相	如是七智， 有二十八行相
	第二、第三靜慮			
	第三、第四靜慮			
	第四靜慮、空無邊處			
	空、識無邊處			
	識無邊處、無所有處			
	無所有處、非想非非想處			
滅類智	初、第三靜慮	諸行滅	滅、靜、妙、離-行相	如是六智， 有二十四行相
	第二、第三、第四靜慮			
	第三、第四靜慮、空無邊處			
	第四靜慮、空、識無邊處			
	空、識無邊處、無所有處			
	識無邊處、無所有處、非想非非想處			
滅類智	初、第二、第三、第四靜慮	諸行滅	滅、靜、妙、離-行相	如是五智， 有二十行相
	第二、第三、第四靜慮、空無邊處			
	第三、第四靜慮、空無邊處、識無邊處			
	第四靜慮、空無邊處、識無邊處、無所有處			
	空無邊處、識無邊處、無所有處、非想非非想處			
滅類智	初、第二、第三、第四靜慮、空無邊處	諸行滅	滅、靜、妙、離-行相	如是四智， 有十六行相
	第二、第三、第四靜慮、空無邊處、識無邊處			
	第三、第四靜慮、空無邊處、識無邊處、無所有處			

	第四靜慮、空無邊處、 識無邊處、無所有處、 非想非非想處			
滅類智	初、第二、第三、 第四靜慮、空無邊處、 識無邊處	諸行滅	滅、靜、妙、離-行相	如是三智， 有十二行相
	第二、第三、第四靜慮、 空無邊處、識無邊處、 無所有處			
	第三、第四靜慮、 空無邊處、識無邊處、 無所有處、非想非非想處			
滅類智	初、第二、第三、 第四靜慮、空無邊處、 識無邊處、無所有處	諸行滅	滅、靜、妙、離-行相	如是二智， 有八行相
	第二、第三、第四靜慮、 空無邊處、識無邊處、 無所有處、非想非非想處			
滅類智	初、第二、第三、 第四靜慮、空無邊處、 識無邊處、無所有處、 非想非非想處	諸行滅	滅、靜、妙、離-行相	如是一智， 有四行相
道類智	九地	類智品道	道、如、行、出-行相	如是一智， 有四行相

依空無邊處，有五十二金剛喻定。謂：

●依空無邊處：

✱或有以苦類智思惟非想非非想處-諸行，作四行相中，隨一行相，得阿羅漢果。

✱或有以集類智思惟非想非非想處-諸行因，作四行相中，隨一行相，得阿羅漢果。

如是二智，有八行相。

或有以滅類智：

✱或思惟空無邊處-諸行滅，作四行相中，隨一行相，得阿羅漢果。

✱…乃至或思惟非想非非想處-諸行滅，作四行相中，隨一行相，得阿羅漢果。

如是四四成十六，足前八，成二十四。

✱如是或思惟空、識無邊處-諸行滅。

✱或思惟識無邊處、無所有處-諸行滅。

✱或思惟無所有處、非想非非想處-諸行滅，各作四行相中，隨一行相，得阿羅漢果。

如是三四成十二，足前二十四，成三十六。

✱如是或思惟空、識無邊處、無所有處-諸行滅。

✱或思惟識無邊處、無所有處、非想非非想處-諸行滅，各作四行相中，隨一行相，得阿羅漢果。

如是二四成八，足前三十六，成四十四。

✱如是或**思惟空無邊處**…乃至**非想非非想處**-諸行滅，作四行相中，隨一行相，**得阿羅漢果**。
此四，足前四十四，成四十八。

✱或有以**道類智思惟九地**-類智品道，作四行相中，隨一行相，**得阿羅漢果**。
此四，足前四十八，成五十二金剛喻定。

金剛喻定（依空無邊處，有五十二）				
何智	思惟何地	作何行相		
苦類智	非想非非想處	諸行	非常、苦、空、非我-行相	如是二智，有八行相
集類智	非想非非想處	諸行因	因、集、生、緣-行相	
滅類智	空無邊處	諸行滅	滅、靜、妙、離-行相	如是四智，有十六行相
	識無邊處			
	無所有處			
	非想非非想處			
滅類智	空、識無邊處	諸行滅	滅、靜、妙、離-行相	如是三智，有十二行相
	識無邊處、無所有處			
	無所有處、非想非非想處			
滅類智	空、識無邊處、無所有處	諸行滅	滅、靜、妙、離-行相	如是二智，有八行相
	識無邊處、無所有處、非想非非想處			
滅類智	空無邊處、識無邊處、無所有處、非想非非想處	諸行滅	滅、靜、妙、離-行相	如是一智，有四行相
道類智	九地	類智品道	道、如、行、出-行相	如是一智，有四行相

依識無邊處，有三十六金剛喻定，謂：

○依識無邊處：

- ✱或有以**苦類智思惟非想非非想處**-諸行，作四行相中，隨一行相，**得阿羅漢果**。
- ✱或有以**集類智思惟非想非非想處**-諸行因，作四行相中，隨一行相，**得阿羅漢果**。
如是二智，有八行相。

【原文】

或有以**滅類智**：

- ✱或思惟**空無邊處**-諸行滅，作四行相中，隨一行相，得阿羅漢果
- ✱…乃至或思惟**非想非非想處**-諸行滅，作四行相中，隨一行相，得阿羅漢果，如是三四成十二，足前八，成二十。

【修正】

或有以**滅類智**：

- ✱或思惟**識無邊處**-諸行滅，作四行相中，隨一行相，**得阿羅漢果**。

【補增】

- ✱或思惟**無所有處**-諸行滅，作四行相中，隨一行相，**得阿羅漢果**。
- ✱…乃至或思惟**非想非非想處**-諸行滅，作四行相中，隨一行相，**得阿羅漢果**。
如是三四成十二，足前八，成二十。

修正原因：

依識無邊處，則超空無邊處，因「此中依無色定，不起法智，亦不緣下地「苦」、「集」及「滅」，以無色定唯緣「自地」及「上地」故。」

- 如是或思惟識無邊處、無所有處-諸行滅。
- 或思惟無所有處、非想非非想處-諸行滅，各作四行相中，隨一行相，得阿羅漢果。
如是二四成八，足前二十，成二十八。
- 如是或思惟識無邊處…乃至非想非非想處-諸行滅，作四行相中，隨一行相，得阿羅漢果。
此四，足前二十八，成三十二。
- 有以道類智思惟九地-類智品道，作四行相中，隨一行相，得阿羅漢果。
此四，足前三十二，成三十六金剛喻定。

金剛喻定（依識無邊處，有三十六）				
何智	思惟何地	作何行相		
苦類智	非想非非想處	諸行	非常、苦、空、非我-行相	如是二智，有八行相
集類智	非想非非想處	諸行因	因、集、生、緣-行相	
滅類智	識無邊處	諸行滅	滅、靜、妙、離-行相	如是三智，有十二行相
	無所有處			
	非想非非想處			
滅類智	識無邊處、無所有處	諸行滅	滅、靜、妙、離-行相	如是二智，有八行相
	無所有處、非想非非想處			
滅類智	識無邊處、無所有處、非想非非想處	諸行滅	滅、靜、妙、離-行相	如是一智，有四行相
滅類智	空無邊處、識無邊處、無所有處、非想非非想處	諸行滅	滅、靜、妙、離-行相	如是一智，有四行相
道類智	九地	類智品道	道、如、行、出-行相	如是一智，有四行相

依無所有處，有二十四金剛喻定。謂：

○依無所有處：

- 或有以苦類智思惟非想非非想處-諸行，作四行相中，隨一行相，得阿羅漢果。
- 或有以集類智。思惟非想非非想處-諸行因，作四行相中，隨一行相，得阿羅漢果。
如是二智，有八行相。

或有以滅類智：

- 或思惟無所有處-諸行滅，作四行相中，隨一行相，得阿羅漢果。
- 或思惟非想非非想處-諸行滅，作四行相中，隨一行相，得阿羅漢果。
- 或思惟無所有處、非想非非想處-諸行滅，作四行相中，隨一行相，得阿羅漢果。
如是三四成十二，足前八，成二十。

●或有以道類智思惟九地-類智品道，作四行相中，隨一行相，得阿羅漢果。

此四，足前二十，成二十四金剛喻定。

金剛喻定（依無所有處，有二十四）				
何智	思惟何地	作何行相		
苦類智	非想非非想處	諸行	非常、苦、空、非我-行相	如是二智，有八行相
集類智	非想非非想處	諸行因	因、集、生、緣-行相	
滅類智	無所有處	諸行滅	滅、靜、妙、離-行相	如是三智，有十二行相
	非想非非想處			
	無所有處、非想非非想處			
道類智	九地	類智品道	道、如、行、出-行相	如是一智，有四行相

此中…

依無色定，不起法智，亦不緣下地「苦」、「集」及「滅」，以無色定唯緣「自地」及「上地」故。

前來所說，生欲界者，金剛喻定，生上二界。如應當知，所起多少。

●調生上二界，必不起法智，以彼厭下-苦、集諦故，不欲重觀，既不觀下-苦、集，亦不觀下-滅、道。以滅、道智用，苦、集智為上首故。

●若生上地，不依下地，離餘煩惱，上地自有，勝下定故。除生非想非非想處，彼無自地，無漏定故，必須依下-無所有處，起無漏定，離餘煩惱。

●若生上靜慮地，必不緣下靜慮地「苦」、「集」及「滅」，以厭彼「苦」、「集」故。

如法智說。

未解脫心，當言解脫？已解脫心，當言解脫耶？

答：已解脫心，當言解脫。

問：何故作此論？

答：前雖說心解脫貪、瞋、癡，又說未來無學心生時，解脫一切障，而未說「未解脫心當言解脫、已解脫心當言解脫」，今欲說之，故作此論。

問：云何此心，名「已解脫」？

答：本性解脫貪、瞋、癡故。

問：若已解脫貪瞋癡者，何故復言「今得解脫」？

答：依煩惱故，名已解脫；若依行世，在相續故，名「今解脫」。今此位中，始能行世，在相續故。於如是義，未通達者，作是【難】言：「若已解脫，不應言解脫；若解脫，不應言已解脫。已解脫心，而言解脫，不應正理。」

雖依前義，此難已遣，而今更引餘事釋之。如《契經》說：「大王今者從何所來？彼雖已來，而說今來。」此亦應爾，不應為難。此中論主為顯此義，復引餘經，反詰難者「今應問彼，如世尊說：「若斷愛無餘，如蓮花處水，苾芻捨此彼，如蛇脫故皮。」汝許此說，是善說耶？」

彼答：「如是。」

「汝何所欲？為已捨言捨？未捨言捨耶？」

彼答：「已捨言捨。」

「聽我所說，若已捨，不應言捨；若捨，不應言已捨。已捨而言捨，不應正理。」

此中…

論主反詰難者，令彼自解。是等彼釋，如彼所解，而釋通故。

然此頌中：前二句顯～已捨義，已斷煩惱處在世間，心無所著如蓮花故；

後二句顯～今捨義，不住此彼六根六塵，如蛇脫皮無顧戀故。

彼於「昔」事，而說「今」聲，然無有失，此亦應爾。

雖「已解脫」，言「今解脫」，而無有過。為證此義，復引餘經，反詰難者。

又世尊說：「斷慢自善定，善心一切脫，一靜居不逸，越死到彼岸。」

「汝許此說是善說耶？」

彼答：「如是。」

「汝何所欲？為已到言到？未到言到耶？」

彼答：「已到言到。」

聽我所說：「若已到，不應言到；若到，不應言已到。已到而言到，不應正理。」

此釋難意，如前應知。

謂此頌中：前二句顯～已到義。

後二句顯～今到義。

彼於「昔事」，而說「今」聲，然無有失，此亦應爾。

故總結言：彼既應理，此亦應然。

即顯此中，是等彼釋。勸彼難者，於諸《契經》，應善分別了、不了義。

復作是言：「故於《契經》，應分別義。」

如世尊說：「獸歸林藪，鳥歸虛空，聖歸涅槃，法歸分別。」

如是四種，至所歸處，方得安樂。是故智者，應於《契經》，善分別義。不應如說，而便作解；若如說而解者，則令聖教前、後相違，亦令自心起顛倒執。

如世尊說：「苾芻當知，依厭-離染，依離染-解脫，依解脫-涅槃。」…乃至廣說。

問：何故作此論？

答：為廣分別《契經》義故。謂《契經》說：「依厭-離染，…乃至廣說。」雖作是說，而不廣辨「云何依厭-離染？…乃至云何依解脫-涅槃？」《契經》是此論，所依根本。彼所不說者，今應分別，故作斯論。

如世尊說：「苾芻當知，依厭-離染，依離染-解脫，依解脫-涅槃。」

問：一心聚中，即具有厭離染、解脫，何故但說「依厭-離染？依離染-解脫？」，不說「依解脫-離染？依離染-厭耶？」

答：生隨順勝故（厭⇨離染⇨解脫）。謂：此三法，雖復俱生。而厭於離染生隨順勝，離染於厭生隨順劣；離染於解脫生隨順勝，解脫於離染生隨順劣。

如「觸」與「受」，雖復俱生。而說「觸緣受」，不說「受緣觸」，此亦如是。

此中…

依，有二種：一、能生。二、能得。

能生者→謂：依厭-離染，依離染-解脫。

能得者→謂：依解脫-涅槃。

故於此中，作順後句。

問：若是依者，亦是緣耶？

答：若是緣者，彼亦是依；或有是依，而非是緣。謂：依解脫，而得涅槃。

復次，依，有二種：一者、相順。二者、相似。

相順者→謂：依厭-離染，依離染-解脫。

相似者→謂：依解脫-涅槃。

云何厭？

答：若於諸行-無學，厭惡、違逆，是謂厭！

問：厭亦通學及非學非無學。此中何故，唯說「無學」耶？

答：亦應說學及非學非無學，而不說者，當知此義有餘！

復次，此中就勝說故。謂若說勝法，則無學法勝。若說勝有情，則無學有情勝，故說無學。

復次，若說究竟，應知亦說初、中，故不說二。

復次，無學法是諸善根本，是故偏說。謂諸善法，皆依無學，得生長故。

復次，若有厭無欣，有離染無染著，有解脫無繫縛，有智慧無無知者，此中說之。

復次，若有厭不復厭，有離染不復離染，有解脫不復解脫者，此中說之。

復次，若於厭等修圓滿者，此中說之。

尊者妙音作如是說：以無學法多勝無過，是故偏說。

大德說曰：若界趣生及老、病、死一切盡者，此中說之。學等不爾，是故不說。

問：厭，以何為自性？為是慧？為是無貪耶？設爾！何失？若是慧者，次後所說，當云何通？如說「云何依厭-離染？」

答：若「厭」相應「無貪、無等貪，無瞋、無等瞋，無癡、無等癡-善根」，是謂依厭-離染。

此中無貪、無瞋可爾，無癡云何？無癡即慧。豈慧與慧，有相應義？而說「厭相應無癡善根耶？」若是無貪，次後所說，當云何通？如說「云何依厭-離染？」

答：「若厭相應～無貪、無等貪，…乃至廣說。」（若厭相應——無貪、無等貪，無瞋、無等瞋，無癡、無等癡——善根，是謂依厭離染。）

此中無瞋、無癡可爾，無貪云何？若厭是無貪，云何說「無貪與厭相應」？自性與自性無相應義故。《見蘊》所說，復云何通？如說「有事能厭，非能離。謂：苦、集-忍、智不斷諸煩惱；有事能厭，亦能離。謂：苦、集-忍、智斷諸煩惱。忍、智是慧，非無貪性。」

云何說厭，無貪為體？

有作是說：厭以慧為自性。

問：若爾！次後所說，當云何通？如說「云何依厭-離染？」

答：若厭相應無貪、無等貪，…乃至廣說。答此文，但應說「無貪、無瞋。」不應說「無癡。」誦者言便，乘作此說。
有餘師說：厭，以無貪為自性。

問：若爾！次後所說，當云何通？如說「云何依厭離染？…乃至廣說。」

答：此文但應說無瞋、無癡，不應說無貪。而說無貪者，顯示依處。謂或有依無貪，故心解脫貪；或有依無瞋，故心解脫瞋；或有依無癡，故心解脫癡；

或有依無貪故，心解脫二，…乃至或有依無癡故，心解脫二。

或有依無貪故，心解脫三，…乃至或有依無癡故，心解脫三。

此中…

顯示～依無貪故，心解脫三。故說「若厭相應無貪、無等貪，…乃至廣說。」非謂別有無貪善根與厭相應。

問：《見蘊》所說，復云何通？

答：厭非忍、智與忍、智相應故，立忍、智名。彼依相雜說「能厭性」。

評曰：有別法名「厭」，非慧、非無貪。是心所法與心相應，此說在後，復有所餘，如是類諸心所法與心相應。

然《見蘊》說：「苦、集忍、智，名能厭者，由彼忍、智與厭相應，說名「能厭」，非厭自性。」此中所說是「無漏厭」。

有漏厭者→謂：不淨觀、持息念、念住、三義觀、七處善、燭頂忍世第一法相應。

隨其所應及現觀邊世俗智相應。

隨其所應并餘有漏靜慮、無色、無量、解脫、勝處、遍處，如病、如癰、如箭等。

隨其所應，無量行相相應。

此中隨處，顯示少分。若廣顯示～過四大海。

問：若事能厭，彼事所厭耶？

答：應作四句。

①有事-能厭，非所厭。謂：無漏厭。

②有事-所厭，非能厭。謂：除有漏厭，諸餘有漏法。

③有事-能厭，亦所厭。謂：有漏厭。

④有事-非能厭，亦非所厭。謂：除無漏厭，諸餘無漏法。

緣一切法-非我行相，雖亦緣所厭事，而是欣行相，不與厭相應，如前已說。

云何依厭-離染？

答：若厭相應無貪、無等貪，無瞋、無等瞋，無癡、無等癡善根，是謂：依厭離染。

此中「等」言，顯示～上品勢力周遍，故說為「等」。（無等貪、無等瞋、無等癡）復次，若隨所應，緣境遍者，說名為「等」。

復次，貪、瞋、癡者，緣有情數等；貪等者，緣非有情數。是共法故，說名為「等」。

有作是說：此中但應說「無貪善根」，以此善根近治貪染，故名離染；無瞋、無癡是能誦者，乘便而誦。

有餘師說：無瞋、無癡，雖非正離染，而是助離染，故亦說之。

或有說者：「染」言，通說一切煩惱故；「離染」言，通攝一切有為善法。今隨強故，但說無貪、無等貪等。

云何依離染-解脫？

答：若離染相應心，已勝解、今勝解、當勝解，是謂依離染-解脫。

此中…

解脫，是大地所有心所法中，勝解為自性。

然！一切法中，有二解脫：一者、無為。謂：擇滅；二者、有為。謂：勝解。

此復二種：一者、染污。謂：邪勝解；二者、不染污。謂：正勝解。

此復二種：一者、有漏。謂：不淨觀、持息念等相應；二者、無漏。謂：苦法智、忍等相應。

此復二種：一者、有學。謂：四向、三果、七補特伽羅，相續中起；二者、無學。謂：阿羅漢果相續中起。

此復二種：一者、時心解脫。謂：前五種性相續中起；二者、不時心解脫。謂：不動種性相續中起。

●無學解脫，復有二種：一者、心解脫。謂：離貪故；二者、慧解脫。謂：離無明故。

問：若此解脫，勝解為體。《施設論》說，當云何通？

如說「云何離貪，故心解脫？謂：無貪善根對治貪欲。

云何離無明，故慧解脫？謂：無癡善根對治愚癡。

勝解，非三善根所攝，云何可說心、慧解脫是二善根？」

答：彼文應說：「云何離貪，故心解脫？謂：無貪善根相應解脫。

云何離無明，故慧解脫？謂：無癡善根相應解脫。」

而不說者，應知彼文，是有餘說。

復次，心、慧解脫，實非善根，而善根相應故，以善根名說。

復次，此中顯示解脫依處。謂：

心解脫依無貪善根而得生長，以無貪善根對治貪欲，心解脫故。

慧解脫依無癡善根而得生長，以無癡善根對治愚癡，慧解脫故。

此於所依說、能依體，故不相違。

云何依解脫-涅槃？

答：若貪永斷、瞋永斷、癡永斷，一切煩惱永斷，是謂依解脫-涅槃。

問：有身見等，隨一法斷，皆是涅槃。此中何故，說貪永斷…乃至一切煩惱永斷？

答：雖一一法斷，皆是涅槃，而此中但說「圓滿涅槃」，故不應責。

復次，涅槃之名，唯在「無學」。學位未滿，不名涅槃，故作是說。

問：以何義故，名曰涅槃？

答：煩惱滅故，名為涅槃。

復次，三火息故，名為涅槃。

復次，三相寂故，名為涅槃。

復次，離臭穢故，名為涅槃。

復次，離諸趣故，名為涅槃。

復次，槃名稠林，涅槃為出，出蘊稠林，故名涅槃。

復次，槃名為織，涅槃為不，以不織故，名為涅槃。如有縷者，便有所織，無則不然，如是若有業煩惱者，便織生死；無學無有業煩惱，故不織生死，故名涅槃。

復次，槃名後有，涅槃為無。無後有，故名涅槃。

復次，槃名繫縛，涅槃為離。離繫縛，故名涅槃。

復次，槃名「一切生死苦難」，涅槃「超度」。**超度一切生死苦難**，故名涅槃。

問：「厭」與「離染」、「解脫」、「涅槃」，有何差別？

答：厭惡違逆名厭，無所希求名離染，心無垢穢名解脫，永捨重擔名涅槃。

復次，毀訾煩惱名厭，毀訾惡行名離染，於緣離繫名解脫，諸蘊永寂名涅槃。

復次，訶毀欲界名厭，離色界名離染，脫無色界名解脫，證永寂靜名涅槃。

復次，厭見所斷名厭，離修所斷名離染，至無學果名解脫，證永寂滅名涅槃。尊者妙音作如是說：厭謂薄地，離染謂離欲地，解脫謂無學地，涅槃謂諸地果。

尊者迦多衍尼子，隨順經義，作是言：根律儀、戒律儀：

無悔、歡喜、安樂、等持是修行地。

如實智見是見地。

「厭」是薄地。

「離染」是離欲地。

「解脫」是無學地。

「涅槃」是諸地果。

是厭、離染、解脫、涅槃，四種差別。